

PROGRAM RADA OPĆINSKOG NAČELNIKA ZA 2018. GODINU

I – UVODNI DIO

Programom rada Općinskog načelnika za 2018. godinu definišu se osnovni pravci djelovanja Općinskog načelnika, odnosno lokalne izvršne vlasti za 2018. godinu.

Osnovni principi postupanja i rada u 2018. godini temeljit će se na obavljanju i vršenju poslova iz domena lokalne samouprave definisanim Zakonom o principima lokalne samouprave u Federaciji Bosne i Hercegovine, izvršavanju zakona i sprovođenju općinskih odluka te što boljoj i kvalitetnijoj saradnji izvršne vlasti – općinskih službi/sektora sa Općinskim vijećem, institucijama i organizacijama, udruženjima i građanima naše Općine. Rad Općinskog načelnika i općinskih službi/sektora u svojoj konačnici znači i djelovanje u interesu stanovništva Općine što podrazumjeva i visok stepen odgovornosti.

Po svom karakteru ovo je planski akt kojim se nastoje predvidjeti buduće aktivnosti i djelovanja s tim što njihova konačna realizacija, pored zalaganja i rada Općinskog načelnika, Općinskog vijeća kao i općinskih službi/sektora, u velikoj mjeri zavisi i od niza objektivnih okolnosti koje se vrlo često nisu u mogućnosti predvidjeti, a koje budu prisutne u periodu koji je pred nama.

Ovaj Program utemeljen je na određenim procjenama do kojih se došlo, prije svega izvršenom analizom rezultata koji su ostvareni u dosadašnjem radu, Strategiji razvoja Općine, planiranom budžetu Općine za 2018. godinu, kao i drugim elementima čije sagledavanje se nameće kao nužnost prilikom sačinjavanja dokumenta ove vrste i sadržine.

II – OKVIRNI PLAN AKTIVNOSTI

U 2018. godini, kao što je činjeno i svih prethodnih godina, obezbjedit će se aktivno učešće Općine u postupcima donošenja zakonskih i podzakonskih akata i to na svim nivoima vlasti kroz davanje kvalitetnih sugestija, prijedloga i mišljenja na utvrđene nacрте i prijedloge određenih akata.

Ovi poslovi će se raditi ili samostalno ili u saradnji i koordinaciji sa drugim općinama Kantona Sarajevo, Savezom općina i gradova Federacije Bosne i Hercegovine, a sve s ciljem rješavanja ključnih pitanja koja su bitna za funkcioniranje Općine kao jedinice lokalne samouprave, kao i za život i dobrobit svih njenih građana.

Nažalost, i u ovom momentu status Općine kao jedinice lokalne samouprave i s tim u vezi precizno definisanje njenih nadležnosti, još uvijek nije u potpunosti riješeno. Zakon o principima lokalne samouprave Kantona Sarajevo još uvijek nije donesen, a aktivnosti na njegovom donošenju otpočete su u drugom dijelu tekuće godine. Nadležno Ministarstvo pravde i uprave Kantona Sarajevo sačinilo je Prednacrt zakona o lokalnoj samoupravi i u toku rasprave koja je vršena u ovoj fazi dogovoreno je da se formira Radna grupa u čijem sastavu će se nalaziti predstavnici jedinica lokalne samouprave, pa i Općine Stari Grad Sarajevo. Zadatak formirane Radne grupe je sačinjavanje teksta Nacrta zakona i ove aktivnosti su u toku. Naravno, o ovim i sličnim aktivnostima Općinsko vijeće će biti upoznato i to na način da će se u konačnici i očitovati na zauzete stavove u pogledu budućih zakonskih rješenja u domenu lokalne samouprave.

U domenu rada i funkcioniranja općinske uprave nastavit će se aktivnosti na unapređenju normativnog uređenja djelatnosti iz nadležnosti općinskih službi i Općinskog načelnika. Paralelno će se nastaviti i poslovi na daljem poboljšanju organizacije i funkcioniranja općinskih službi, racionalizacije i efikasnosti rada općinske uprave te njenom materijalnom, tehničkom i kadrovskom jačanju.

Nastavit će se raditi na poslovima i projektima koji su započeti u 2017. godini, a paralelno s

tim će se otpočeti i neki novi projekti i aktivnosti u oblastima u kojima je propisana nadležnost Općine kao jedinice lokalne samouprave, odnosno u kojima je izražen interes Općine.

Među najvažnijim investicionim projektima na kojima će se u narednoj godini raditi su projekti koji su predmetom kreditiranja od strane Saudijskog fonda za razvoj. Kao što je poznato, Općini Stari Grad Sarajevo u toku mjeseca oktobra tekuće godine, odobren je kredit Saudijskog fonda za razvoj u iznosu od 13,4 miliona KM. Sredstva su odobrena u svrhu realizacije četiri (4) projekta, i to:

- izgradnja sportske sale u OŠ "Edhem Mulabdić"
- izgradnja podzemne garaže na lokalitetu "Avdage Šahinagića"
- rekonstrukcija Doma zdravlja Stari Grad
- utopljanje administrativnog sjedišta Općine Stari Grad Sarajevo

Aktivnosti na konačnoj realizaciji odobrenog kredita su u toku i po ispunjenju svih neophodnih pretpostavki, pristupit će se realizaciji pobrojanih projekata. Pretpostavka je da će se sa radovima realno moći otpočeti u toku 2018. godine.

Pored navedenog, planirana su i značajna kapitalna ulaganja u rekonstrukciju i sanaciju starogradskih ulica (kao npr. Safvet bega Bašagića – III faza).

Kao i ranijih godina tako i 2018. godine ne očekuje se učešće drugih nivoa vlasti, odnosno dotacije drugih nivoa vlasti u mjeri u kojoj bi to bilo realno i neophodno tako da se planiranju svih kapitalnih projekata pristupa veoma oprezno, a u vezi sa finansiranjem istih imamo u vidu samo vlastita sredstva kao i kreditna sredstva odobrena od strane Saudijskog fonda za razvoj. Rad na socijalnim projektima, poboljšavanje položaja mladih, dodatno uređenje u uspostavi registra nekretnina i druga slična pitanja su ono čime će se Općina baviti i u periodu koji je pred nama.

PALNIRANE AKTIVNOSTI PO OBLASTIMA III – OBLAST INVESTICIJA, PLANA I ANALIZE

U oblasti investicija planirane su sljedeće aktivnosti:

- iniciranje i učestvovanje u izradi planova, programa i investicionih projekata od interesa za Općinu što podrazumjeva i obavljanje pripremnih radnji, pribavljanje i izrada potrebnih tehničkih podloga, izrada projektnih zadataka, koordinacija i saradnja sa projektantskim biroima i izvođačima radova prilikom realizacije projekata investicija;
- saradnja sa nadležnim organima i institucijama, i to naročito sa nadležnim ministarstvima, direkcijama, kao i općinskim službama/sektorima;
- **investicioni projekti, sanacije i asfaltiranje ulica**
- izgradnja sportske sale OŠ "Edhem Mulabdić"
- izgradnja podzemne garaže sa višenamjenskim trgom – Avdage Šahinagića
- rekonstrukcija Doma zdravlja Stari Grad
- utopljanje objekta administrativnog sjedišta Općine Stari Grad Sarajevo
- sanacija i asfaltiranje ulice Safvet beg Bašagić – III faza
- sanacija i asfaltiranje ulice Franjevačka (III faza)
- sanacija i asfaltiranje ulica: Kasima – efendije Dobrače, Močila, Iza gaja čikma (dio ulice), Hladivode sokak, Nova Baruthana (III faza), Bistrik potok, Nadlipe, Osmana Nakaša – lijevi krak, Mula Mustafe Bašeskije – trotoari desna strana od skretanja za ulicu Logavina do ulice Niže banje, Krtin sokak, Paje – Terzibašina, Sulejmana Zolja – Kamenica, Ispod Budakovića, Abadžin put – Berkuša, Megara – Maguda – Maguda čikma, i dr.
- **popločavanje (kaldreme, stepeništa)**
- Mačkareva - I faza
- Nafije Sarajlić – I faza

- Hošin brijeg – basamac
- Ticina
- Grličića brdo
- Kurtin sokak
- Pod Hridom
- Tabijska i dr;
- **potporni zidovi**
- Alije Nametka kod broja 22
- Berkuša velika kod broja 5
- Brdovita kod broja 1
- Čebedžije kod broja 10
- Iza gaja čikma kod broja 27
- Paje kod broja 34
- Prvi bataljon Sedrenik kod broja 92
- Sarajevskih gazija kod broja 11
- Abadžin put i dr;
- **ostali projekti u oblasti investicija**
- održavanje postojeće infrastrukture (manje intervencije)
- sanacija stambenih jedinica
- sanacija ploča na šetnicama
- obnova kulturno historijskih spomenika i dr.

Kada je riječ o projektima izgradnje komunalne infrastrukture važno je napomenuti da je njihova realizacija uslovljena nizom faktora i okolnosti među kojima posebno treba istaći sljedeće: složenost izrade projektne dokumentacije, duga procedura pribavljanja potrebnih administrativnih dozvola, specifične okolnosti kod realizacije izgradnje/izmjene vodovodne mreže kao i ograničeno vrijeme za izvođenje radova ove vrste. Sve ove okolnosti, pored čitavog niza drugih ne manje važnih okolnosti, moraju se imati u vidu prilikom planiranja ove vrste projekata.

IV – OBLAST KOMUNALNIH POSLOVA

U oblasti komunalnih poslova planirane su sljedeće aktivnosti:

- sagledavanje i praćenje stanja u komunalnoj oblasti na cijelom području Općine Stari Grad Sarajevo
- **vodovod i kanalizacija:**
- rekonstrukcija vodovodne mreže i izgradnja separatne kanalizacije na lokalitetu Kamenica, Sulejmana Zolja – Paje Malta
- rekonstrukcija vodovodne i kanalizacione mreže na lokalitetu Paje
- sanacija vodovodne i kanalizacione mreže u ulici Ispod Budakovića
- praćenje i obrada klizišta na terenu u saradnji sa Službom CZ kao i praćenje i realizacija izrađenih projekata klizišta u 2017. godini
- **rukohvati:**
- radovi će se izvoditi u skladu sa zahtjevima i prioritetima, te dostavljenim spiskovima mjesnih zajednica
- **odbojne ograde:**
- radovi će se izvoditi u skladu sa zahtjevima i prioritetima, te dostavljenim spiskovima mjesnih zajednica
- nabavka i postavljanje kanti za selektivni otpad
- nabavka kontejnera
- nabavka kanti (240 l – za dvolinijski sistem)
- nabavka korpica za sitni otpad
- izgradnja niša za smeće, po hitnosti i prioritetima mjesnih zajednica

- uređenje javnih površina
- nabavka i ugradnja slivnika, rešetki i poklopaca
- horizontalna i vertikalna signalizacija;
- **sanacija javne rasvjete:**
- poslovi na realizaciji javne rasvjete po zahtjevima MZ:
- aktivnosti na sprovođenju projekta numerisanja kuća na području Općine
- uređenje Aleje ambasadora (zidovi i ploče)
- krpljenje udarnih rupa na ulicama
- sječa stabala na javnim površinama na području Općine
- aktivnosti na izradi Elaborata zaštite izvorišta Mošćanica, kao i izrada Plana upravljanja otpadom u periodu 2018 – 2023. godina i dr.